

docriver 文川网
古籍书城
获取更多电子书

中國方志叢書·華中地方·第二六三號

據

清·朱奎章修，胡芳杏纂
同治十年刊本

影印

江 西 省

樂安縣志



成文出版社有限公司印行



10097068

1215

中國方志叢書·華中地方·第二六三號


據

清·朱奎章修，胡芳杏纂
同治十年刊本

影印

江 西 省

樂安縣志



成文出版社有限公司印行



10097067

16

中國方志叢書·華中地方·第二六三號

據

清·朱奎章修，胡芳杏纂
同治十年刊本

影印

江 西 省

樂安縣志

sk63/03

成文出版社有限公司印行



藏書
J217



10097066

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第二六三號

據

清·朱奎章修，胡芳杏纂
同治十年刊本

影印

江 西 省

樂安縣志



成文出版社有限公司印行



218

中華民國六十四年 月壹一版

樂安縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

同治十年重修

樂府詩集

尊經閣藏板

序

漢劉知幾謂郡書都邑簿乃史之流
別史勸懲並著志勸而已夫有善則
記之惇史也舉一邑之嘉言懿行諷
諭而嗟嘆之善者勸不善者亦感而
知懲故自京畿直省以逮郡縣皆有

志志固

朝廷振勵風教之書也樂安古崇仁永
豐地創於宋盛於明聲明文物有自
來矣戊辰秋余蒞任下車兵燹之後
閭閻蕭然謁學宮則榱題剝啄詢治
解則榛蕪蒙茸汲汲焉脩廢舉墜二

年於茲恒思徵文考獻稍樹風聲而
諮詢所及往往見聞異詞攷邑志肇
於宋濶熙癸卯閱元迄明至正德間
凡八易今志則

國朝康熙甲子歲邑令方公湛本正德
志續輯者而前志遠莫攷矣夫山陬

僻壤多產英豪樂安前代文獻視他
邦尤炳蔚甲子志尚有沿襲失檢之
弊今歷百八十有餘年雖山川如故
城郭如故風土物產如故而人事之
興替兵災之頻仍名宦碩儒孝子貞
婦之表見以及一行之卓一節之高

照耀人耳目者不亟纂續勢將就湮
奚以激善良愧澆薄歟余不才惜有
志焉而未逮適中丞劉公纂修江
西通志具刻采訪事宜總目凡例飭
所屬剋期續修奉檄之餘慙喜交迫
集士紳商之僉以瘡痍未復連年協

濟捐餉措手且艱為辭余曰有志竟
成毋怯為遂延司鐸胡君芳杏主編
纂任并遴儒紳佐之其發凡列目別
類分門一遵 憲規得以訂舊志之
失而益其未備首紀

列聖各詔諭凜官方振士氣昭大同之治

也學校武備舊志紀載大畧茲特標
網繫目稍加詳明重教化嚴捍衛也
其餘或仍舊或參補或特書或附載
日與胡君悉心商榷惴惴焉濫與漏
是恩釐為十有二卷十閱月而稿成
新續者繕呈省局申報 憲命謹乞

裁鑿而釐正之始授梓然余竊有感
焉夫修志一役名則官司提倡之主
持之實則邑人紀邑事也苟非溢美
片語增榮稍或過情羣疑交刺故凡
是非之公採訪之周惟邑人視聽憑
之官斯土者祇願得所取衷以嚴筆

削無漏無濫可信今可傳後相與勸
勉於忠孝廉節上以翊贊

聖治使邑人日遷善而不自知則我士
大夫均與有榮施矣是為序
同治十年歲在辛未孟秋月上浣知
樂安縣事遵義朱奎章謹撰



docsriver 文川网
入驻商家 古籍书城

在文川网搜索古籍书城 获取更多电子书

又序

余鐸樂安五載學業日荒恆抱慙慙庚午春邑侯朱惺
原先生續修樂安縣志委余編纂初稿再三辭候意益
堅乃取舊志讀之志創於宋迄元而明凡八修無一存
者其存為

國朝康熙甲子志今歷歲又三易甲子矣徵文考獻豈易
易事按舊志序言志為鄉賢原鳴喜先生底稿乃其中
淆雜矛盾有不可究詰索解難得者初疑借先生名為

重及讀先生步為草所載志書存畧始知竄易失真非
復先生編摩之舊為可嘆也今撰次新志悉遵大府纂
修省志義例視舊志迹似乎因而情不殊乎創嘗按籍
鱗列取彼就此矢公慎勤參稽數四易草紙墨零落日
且眩頭且暈往往始以為是繼以為非終仍是是者一
遇疑難則援古證今仰而思俯而索夜分對月獨立或
繞榻而行竊冀古人起而告我自知蛙見螭測無當博
雅而握槩操觚釐卷成帙精力亦已殫矣第念康熙志

以來家傳名集非遭蠹朽卽罹兵劫老成人復殂謝殆
盡鄉大夫士悉心網羅新增者晨星落也雖甯關女濫
不戾史法而余心歛然也每謂百八十餘年理學忠義
政事文章其泯沒當復不少昔韓子所論君子之譏鬼
神之誅無日不繫之寤寐間稿粗定不禁撫几嘆曰司
馬公作通鑑先列長編長編定始加辨正班氏博覽載
籍及九流百家乃作漢書歐陽公撰唐書十志因入閣
儀未詳遣問劉原父劉譏其不讀書東坡聞之曰如軾

等當復如何故知搜羅考核昔人且難之今志猶史也
史家三長余無一焉顧不量襍線謬肩斯役雖朱侯往
復討論又與鄉大夫士參互考訂時思謏聞巷談重為
樂志玷也歐陽子云不畏先生嗔却怕後生笑惟真有
道名公剔其瑕抉其類匡其不逮嗔也笑也皆我師也
幸及見之樂志庶成完璧乎是歲十月杪初稿繕成呈
之朱侯朱侯歸之鄉大夫士校訂授梓辛未夏工將竣
特書以識之同治十年辛未六月朔日廬陵胡芳杏撰

康熙甲子縣志原序

方 湛

蓋開分野九天垂諸象緯肇封萬國制自軒轅元圭告成
遂演河圖之象青邱握算會傳山海之經邦國攸宜任之
小史廣輪有數掌自司徒禹貢周官乃王家之典册春秋
構杙亦列辟之簡編降自嬴秦裂爲郡縣然裴秀准望之
法載在秘書劉安紘埏之談藏諸策府下此元和備志元
符有經寰宇之鴻編皇輿之博載莫不輝煌麟閣什襲萬
臺縣志一書有由來矣若乃南國諸邦西江尤勝地控湖
山之險天聯牛斗之輝一十三郡之縱橫形同繡錯七十
八屬之疆圉勢若綺分郡號臨川原稱勝地我來樂土植

屬山邦巴山新建之名徒存杞宋興平安浦之號若在洪
荒故漢唐以還猶是魚鳧之境迨紹興而後方開熊繹之
邦卜邑於詹墟遂成井里營城於郭令乃壯垣墉歲貢包
茅分土居然侯甸官應宿握符儼視子男地雖異於四
衝邑豈同於十室加以山疑象伏石似鰲奔芙蓉削翠於
雲中荷樹標奇於天表長橋虹繞聽碧水而無聲怪石苔
斑撫梅花而欲見北接豐城之劍氣上映龍光東尋大華
之仙踪每逢鶴降於是漸除荒陋頓啟文明百里絃歌恍
疑鄒魯一時理學競美伊濂西京榮貴之家車皆丹轂江
左風流之族巷號烏衣績著豐碑雲護麒麟之塚忠昭折

檻風高獬豸之冠謝氏五兒傳經堂上何家四子舞綵
前凡此所云於斯爲盛豈徒峻嶺雲深黃司空之幕府
在寒潭水落羅昭諫之幽宅堪尋已哉是以懿美爭傳
奇足述清熙癸卯王邑介創志於前至元戊寅燮監縣紹
芳於後纂修於勝代者五訂輯於

興朝者三宜乎呂韋紀覽莫易千金張霸尙書仍傳百兩矣然
而牴牾之譏雖史遷亦所不免芟夷之事唯安國乃有定
評故王沈之魏書多爲時諱而向秀之莊子亦被竊名况
乎有苗之叛七旬咸陽之火三月牙籤土蝕三篋皆亡緗
帙灰飛五車盡失彌正平讀碑於道左多有缺文河閒王

借書於民間苦無真本雖屬斯邦之厄實貽守土之羞湛
也偃聞學道羔未讀書謬承乏於瘠區幸躬逢乎景運泣
珠者慕德越滄海而梯航椎髻者懷仁從越裳而獻雉

王文郁郁炳若日星

聖謨洋洋式爲金玉

內廷羣老競挾藻於天衢外臺中丞尤揚芬於澤國兼之
薇堂臬府同官爭訪圖書學使郡侯此日覃心鼓吹誠文
章之嘉會實邦國之昌期也湛得躬被休風親承文教敢
使一邦風土等之赫胥之無書列代源流置若循蜚而莫
考耶用是不慙起草有志編蒲退食公餘罷琴聲而握管

朝衙吏散就花影以揮毫然非予智之敢矜必賴羣謀云
共濟幸也學博丞尉咸號協恭薦紳子衿俱稱同好集荆
山之玉盡是連城聯合浦之珠無非照乘因而同操鉛鉞
共業縹緗續逸事於邇年纘微言於將絕建設沿革燦址
列眉道里山川瞭如指掌分田近彭蠡之澤土盡塗泥涇
材入豫章之林貢維篠簜溯芳蹤於曩詒紙不勝書追清
愛於故侯裨堪墮淚烝皇遞盛泮宮之芹藻長新堂構相
沿官廨之鳥翬厯觀旁稽女史彤管流芳載考儒林鴻文
吐豔至若賦式之制倣乎夏書民數之登遵諸周禮絲麻
鹽鐵原爲食貨之必詳陂澤橋梁尤屬司空所有事月合

四時之紀亦載鳩鷹幽風七月之詩不遺葵菽他如玉虛
紫館傳自元洲迦葉伽藍記存天竺孰謂騎鹿乘牛之士
盡屬虛無散花呪雨之徒長悲寂滅也哉尤所喜者盡成
實錄閒有微文揚子法言不許欄羊之妄載梁州作傳無
煩覓米而來求七畧定於劉歆幸免陶陰之誚三書正於
抱朴可無帝虎之虞藤角桃花甯俟借牋於唐季彩毫斑
管奚須給筆於元規計日一年爲書十卷於以付之剞劂
飾以裝潢雖云梨棗之災詎有根銀之誤或者採風所及
述職堪登則秦關之籍可收督亢之圖具在試爲展卷亦
足怡精神運之城直可遊之枕上巖陀之險何難得之目

中將使太史陳詩間及邶鄘之什至人修史旁存滕薛之文
未必非皇會之全圖職方之掌故也所恨兵烽之後文獻
無徵案牘之煩形神俱瘁鄭國僑之辭命潤色心雖慕之
巫馬期之出入戴星才不逮也是以操觚無當詎堪秘之
帳中覆瓿自慙祇可擲之窗外若云正樂以俟後
康熙壬子縣志舊序

鄭潤

在天垂象垣台拱衛經緯次躔聖人麗而則之八埏之外
扶桑若木西迄崦嵫其閒神物瑰異珍怪靈奇聖人察而
識之況乎九州帝域野應星分車同軌度山川之秀麗人
物之精華土田之繡錯風俗之美好歲貢於王徵爲文獻



且亦藉以監往知來仍酌補倣郡邑之有志由來舊矣樂安爲撫屬縣居萬山之中距旁邑各百餘里當未立治以前山谿巖惡爲盜賊走險之所民弗甯居耕牧廢弛至於築山砦環閣道以自衛焉宋轉運鈎公始聞於朝割崇仁之天授樂安忠義三鄉永豐之雲蓋一鄉建治於斯因以各邑焉樂之有邑自紹興十九年始邑之有志自濬熙癸卯年始至於元至元戊寅修之明正德戊寅又修之而皆燬於燹漉漫無定矣卽存者亦簡畧弗備

國朝定鼎邑令楊君劍華聘明經原君良修焉編次未就今聖天子稽古右文特詔史館聚天下圖籍以宏一統全盛甚鉅

docsriver 文川网
入驻商家 古籍书城

在文川网搜索古籍书城 获取更多电子书

典也部牒數下余小子不敏從事於茲亟集丞史司訓乃
邑中紳士耆宿共襄厥事爰命原子敬出其先人遺藁借
樂子如款張子仲纂集彙次勒爲成書諸君約曰毋夸毋
刻毋畏毋徇徵事務博而實敷文務簡而該眾志攸同丹
鉛益力閱兩月遂克竣事夫山川孕奇文物挺生如楸楠
杞梓惟楚有材蓋有其方域焉追蹤前賢都人士之責也
若夫自宋以來其中戶口之何以遞減遞增貢賦之何以
時輕時重學校之何以迭盛迭衰歌謠之何以有美有刺
生斯二者職思其居官斯土者追維其故於以一道德而
齊風俗則不必遠取訓誥箴銘諸書流覽斯篇思過半矣

又

郭肇基

稽古帝王立史陳箴胙茅作貢俾爾侯封顯會述職於王
凡輿圖廣狹山川險易土田磽沃民俗厚薄以及物產昆
蟲草木之微無不該焉藏諸盟府內史職之嗣而侯邦尾
大而詩亡矣詩亡而後春秋作是春秋亦史也晉之乘楚
之檮杌列國皆有史迨秦漢以後野史贅龐類出愛憎之
口葺碑濫述無非誇誕之詞所賴遺風善俗以彰三代之
直者猶存郡邑之志樂邑僻處萬山隋唐五季或置郡或
置縣興廢屢易迨宋紹興中葉乃建專城自是敦禮讓課
詩書乾道後屢舉進士及元而明則人文蔚起科甲蟬聯